

# Samassa termahal, Farizal ketiga



Mamadou Samassa

Kevin Ray Mendoza

Farizal Marlias

## Senarai nilai pasaran penjaga gol Liga Super

1. Mamadou Samassa (Sri Pahang) - **RM1.26 juta**
2. Kevin Ray Mendoza (KL City) - **RM1 juta**
3. Farizal Marlias (JDT) - **RM918,920**
4. Khairulazhan Khalid (Selangor) - **RM689,190**
5. Khairul Fahmi Che Mat (Sabah) - **RM689,190**
6. Rahadiazli Rahalim (TFC) - **RM689,190**
7. Kalamullah Al Hafiz Mat Rowi (PJ City) - **RM689,190**
9. Syihan Hazmi Mohamed (N Sembilan) - **RM574,325**
10. Ifwat Akmal Chek Kassim (KDA) - **RM574,325**
11. Samuel Somerville (Selangor) - **RM459,460**
12. Haziq Nadzli (JDT) - **RM459,460**
13. Shahril Sa'ari (KDA) - **RM459,460**
14. Sharbinee Allawee Ramli (Sarak Utd) - **RM459,460**
15. Khatul Anuar Md Jalil (Penang) - **RM459,460**

## Penjaga gol KL City, Mendoza bernilai RM1 juta

Oleh Zulfaizan Mansor  
zulfaizan@bh.com.my

**Kuala Lumpur:** Penjaga gol Sri Pahang, Mamadou Samassa memegang status benteng terakhir paling mahal bagi saingan Liga Super musim ini.

Ia selepas laman transfermarkt.com meletakkan nilai pasaran £275,000 (RM1.26 juta) buat penjaga gol kelahiran Pe-

rancis berketinggian 1.97 meter itu.

Nilai terbaru yang dikemas kini pada 19 Mei lalu itu bagaimanapun dilihat menurun berbanding RM1.37 juta dipegangnya pada 28 Disember lalu.

Seorang lagi penjaga gol import di Liga Malaysia (Liga M), Kevin Ray Mendoza yang mewakili Kuala Lumpur City (KL City) di kedudukan kedua dengan tanda harga RM1 juta.

Jumlah yang diletakkan ke atas pemain Filipina berusia 27 tahun itu bagaimanapun meningkat berbanding RM918,920 ketika kemas kini pada November tahun lalu.

Tonggak utama Johor Darul

Ta'zim (JDT), Farizal Marlias pula ketiga termahal dengan nilai pasaran RM918,920 dan termahal bagi barisan penjaga gol tempatan.

Empat penjaga gawang berkongsi tanda harga RM689,190 termasuk Khairulazhan Khalid (Selangor), Khairul Fahmi Che Mat (Sabah), Rahadiazli Rahalim (TFC) dan Kalamullah Al Hafiz (PJ City).

Paling menarik adalah penjaga gol muda berusia 21 tahun, Rahadiazli yang menunjukkan peningkatan nilai pasarnya berbanding RM229,730 pada November tahun lalu.

Seorang lagi penjaga gol yang menunjukkan peningkatan mendadak dalam nilai pasarnya

adalah pemain Negeri Sembilan, Ahmad Syihan Hazmi Mohamed.

Syihan kini memegang tanda harga RM574,325 yang mana nilai itu jauh lebih tinggi berbanding hanya RM114,865 pada kemas kini November tahun lalu.